



20. Favrer 2026
Versiun 1.1

Communicaziun da l'Uffizi da chatscha e pestga en connex cun animals da rapina gronds

Tenor l'art. 34 da la Lescha chantunala da chatscha (LCC) èsi l'incumbensa da l'Uffizi da chatscha e pestga dal Grischun (UCP) d'infurmar suffizientamain la populaziun davart la moda da viver da la selvaschina, davart ses basegns e davart sia protecziun. En il sector dals animals da rapina gronds communitgescha il UCP activamain cun novitads singulas e cun rapports periodics sco er cun agid d'in servetsch dad SMS per possessuras e possessurs d'animals da niz davart quai che capita en connex cun la populaziun da lufs en il chantun Grischun.

1 Nua chattais Vus las infurmaziuns? [tar la pagina d'internet](#)

Cun excepziun da las annunzias per SMS èn tut las infurmaziuns disponiblas sin la pagina d'internet www.luf.gr.ch.

Las possessuras ed ils possessurs d'animals da niz, las apiculturas ed ils apiculturs e las autoritads communalas pon sa registrar cun in formular (www.luf.gr.ch > Observaziuns e Servetsch d'infurmaziun dad SMS) per il servetsch dad SMS (infurmaziuns tenor la cif. 6).

2 Observaziuns actualas d'animals da rapina gronds [tar la charta](#)

Sin la pagina d'internet da l'uffizi pon ins consultar sin ina charta tut las observaziuns dals ultims 6 mais, ch'èn vegnidas cumprovas da la surveglianza da chatscha per las spezias urs, schacal mellen, luf-tscherver e luf. Suentar la registraziun da l'observaziun en la banca da datas dal UCP èn las observaziuns visiblas sin la charta senza retardament. Pli transparenta ch'ina marcaziun sin la charta è, e pli veglia che l'observaziun è. Stgarpadas d'animals da niz vegnan marcadas cun in pitschen rudè nair e zuppentadas a la fin da l'onn respectiv.

3 Annunzias davart eveniments actuals [tar las communicaziuns actualas](#)

Da princip infurmescha il UCP cun rapports periodics tenor la cif. 4 davart eveniments en connex cun la preschientscha d'animals da rapina gronds. Sut «Actualitads» vegnan publitgads sin la pagina d'internet eveniments actuals e spezials en furma d'ina communicaziun a las medias u d'ina curta notizia.

4 Rapports periodics [link als rapports periodics](#)

4.1 Monitoring da mintga mais dal management dal luf [monitoring dal management dal luf](#)

Il «Monitoring dal management dal luf» è ina resumaziun mensila dals indicaturs ils pli impurtants areguard il luf, a partir dal december 2023.

Cuntegn:

- Dumber dals trieps da lufs confermads en il chantun
- Dumber da las reproducziuns confermadas durant l'onn current
- Dumber dals luffins confermads durant l'onn current
- Perdidas da lufs incl. sajettadas
- Dumber d'animals da niz mazzads e blessads
- Dumondas da regulaziun inoltradas, dumondas da regulaziun approvadas, sajettadas disponidas

Publicaziun: Mensilmain, mintgamai il cumenzament dal mais che suonda sin la pagina d'internet dal UCP sut «Actualitads».

4.2 Rapport trimestrial davart ils animals da rapina gronds

[rapports trimestrials](#)

Ils rapports trimestrials èn ina retrospectiva da mintga trais mais cun decleraziuns davart svilups actuals e cun constataziuns pertutgant l'urs, il schacal mellen, il luf-tscherver ed il luf en il chantun.

Cuntegn:

- Situaziun actuala da la populaziun
- Perditas d'animals da rapina gronds (lufs sajettads ed autras perditas)
- Animals da niz mazzads tras animals da rapina gronds en quest trimester.
- Cumportaments singulars da la classificaziun «cotschen» e «nair» dals concepts naziunals d'animals da rapina gronds
- Marcaziun dad animals da rapina gronds cun emettur ed enconuschientschas particularas en quest connex
- Fraud
- Surveglianza da la sanadad

Publicaziun: comunicaziun a las medias mintgamai l'ultima emna dals mais avrigl, fanadur, october e schaner.

4.3 Rapport annual da l'Uffizi da chatscha e pestga

[rapports annuals](#)

Il UCP publitescha mintga onn in rapport annual davart las diversas activitads en l'uffizi. En quest rapport vegnan resumads ils svilups ch'èn vegnids observads durant l'onn passà en connex cun ils animals da rapina gronds en il Grischun ed enumerads ils indicaturs ils pli impurtants.

Publicaziun: ina giada l'onn cun ina comunicaziun sin la pagina d'internet dal UCP sut «Actualitads».

5 Recumandaziuns da cumportament

[tar ils fegls d'infurmaziun](#)

Sin la pagina d'internet èn disponibels fegls d'infurmaziun specifics cun las recumandaziuns las pli impurtantas per diversas activitads:

- **Recumandaziuns generalas da cumportament**
 - Fegl d'infurmaziun – «Viver en in territori populà dal luf»
 - Fegl d'infurmaziun – «L'urs è in animal da rapina – tegnai distanza»
 - Fegl d'infurmaziun – «L'urs ed il rument»
- **Recumandaziuns per possessuras e possessurs d'animals da niz**
 - Fegl d'infurmaziun – «Il luf ed ils animals da niz»
 - Fegl d'infurmaziun – «L'urs ed ils animals da niz»
 - Fegl d'infurmaziun – «L'urs ed ils avieulers»
 - Fegl d'infurmaziun – «Responsablads animals da rapina»
- **Recumandaziuns per activitads da temp liber**
 - Fegl d'infurmaziun – «Da viadi en in territori populà dal luf»
 - Fegl d'infurmaziun – «Campar en in territori populà da l'urs»
 - Fegl d'infurmaziun – «Ir a chatscha en il territori populà dal luf»
 - Fegl d'infurmaziun – «Ir a chatscha en in territori populà da l'urs»

6 Servetsch dad SMS per possessuras e possessurs d'animals da niz

[tar il formular dad](#)

[SMS](#)

L'Uffizi da chatscha e pestga maina in servetsch d'infurmaziun dad SMS per far attent ad eveniments relevants en connex cun animals da rapina gronds en il conturn da 40 km dal lieu dals animals da niz. Il

servetsch stat a disposiziun per las possessuras ed ils possessurs d'animals da niz, per las apiculturas ed ils apiculturs sco er per las autoritads communalas. I vegnan communitgads:

- Stgarpadas d'animals da niz confermadas
- Donns d'infrastructura confermads (urs)
- Cumprovas dad urs: Adina sche l'ultima cumprova d'in urs en il JBZ datescha d'avant in mais u pli ditg

Infurmaziuns:

Arno Puorger, manader da partiziun Animals da rapina gronds, Uffizi da chatscha e pestga, e-mail
arno.puorger@ajf.gr.ch